

Augsburg, 28. Januar 1559

An Johannes Oporinus

UB Basel, Fr. Gr. I 11, fol. 222r.

Steinmann Nr. 714.

Lit.: Husner S. 153.

S. Nicephorum Gregoram absolutum, quantum in me fuit, D. Antonio Fuggero superioribus diebus dedi. Adiunxi Laonicum a Philippo Gundelio conuersum, in quo quia orthographicae regulae, et fortisan etiam grammaticae non vbique obseruatae sunt, iure docti et erudit hominis vti te velim. Nec enim irascetur tibi (Nam meam limam expetiuit) si vitiosa correxeris. Graecum Laonici codicem te habere non dubito. Is qui in D. Io[annis] Ia[cobi] Fuggeri Bibliotheca extat, easdem lacunas habet, quas Clauseri nostri conuersio, quem profectò sine summo dolore offendere neque volo, neque debeo. stylo, vt mihi videtur, vincit Gundelium, sed hic vicissim noticia hominum et locorum. In vtroque est quod et probes et improbes. Me in alieno opere ingeniosum esse non decuit, et mercenariae sunt hae operae meae, vt nости. Quare curare te velim, ne Gundelianana conuersio fraudi mihi sit. Codex quo Gundelius vsus est, nunc in Bauarica bibliotheca habetur, cuius fortasse copia fieri nobis posset, sed operaeprecium esse non puto. Nam autor ipse videtur quaedam et hominum et locorum nomina, quod ignoraret, non posuisse, eaqué de causa lacunas veluti quasdam reliquisse. An hos codices nunc accepturus sis, ignoro (Nondum enim cum haec scriberem, mecum quicquam erat actum) sed adiunxi Gregorae et Laonico, Cuspiniani consules cum W[olfgangi] Hungeri commentarijs, cuius operis quae ratio sit, è Reiffenstein binis literis intelliges. Vtut sit, per Carinum nostrum significabis, quid desideres. Ego, quod in me erit, tuis commodis nunquam deero. Vale. Augustae. 5 Cal[endas] Februarij 1559.

Hiero[nymus] Wolfius. T[uus].